

Headline	Produk madu baru TLH	Language	MALAY
Date	11. Mar 2008	Page No	28
Media Title	Harian Metro	Article Size	311 cm²
Section	Setempat	Frequency	Daily
Circulation	336603	Color	Full Color
Readership	2192000		



Produk madu baru TLH

Unjur jual 15,000 TLH Green Propolis menjelang Mei depan

TLH Product Industries (TLH), pengeluar produk penjagaan kesihatan berasaskan madu lebah yang melancarkan produk terbarunya TLH Green Propolis dua minggu lalu, mengunjurkan jualan 15,000 unit produk itu menjelang Mei ini.

Pengarah Urusannya, Zulkurnain Yunus berkata, unjuran itu berdasarkan tempahan yang menggalakkan diterima dari seluruh negara termasuk 500 unit pesanan dari Sabah dan Sarawak sejak TLH Green Propolis diperkenalkan di pasaran.

"Justeru, kami menjangka menamatkan jualan 5,000 unit setiap bulan bagi tempoh tiga bulan pertama diikuti dengan peningkatan memberangsangkan pada bulan seterusnya," katanya ketika dihubungi di Kuala Lumpur, semalam.

Zulkurnain berkata, buat masa ini TLH Green Propolis boleh didapati di farmasi kecil sebelum syarikat bercadang melebarkan sayap pemasarannya di farmasi dan pasar raya ternama apabila sasaran awal dicapai.

Menurutnya, untuk memastikan produk itu diterima dan mendapat sambutan ramai, TLH melabur lebih RM200,000 untuk kajian dan penyelidikan produk berkenaan.

Katanya, jumlah pelaburan itu termasuk bagi kajian pasaran dan makmal yang dijalankan sejak lapan tahun lalu untuk memastikan TLH Green Propolis berkualiti serta selamat digunakan orang ramai tanpa sebarang kesan sampingan.

Katanya, kajian terbabit dilakukan dengan tunjuk ajar daripada pakar Universiti Kebangsaan Malaysia (UKM), Universiti Malaya (UM) dan Institut Penyelidikan dan Pembangunan Pertanian Malaysia (Marudi).

"Lebah dipercayai wujud 40 juta tahun lalu tetapi serangga ini tidak pupus dari muka bumi. Rahsianya ialah propolis iaitu resin atau damar yang dikumpulkan oleh lebah pekerja untuk melindungi sarang mereka daripada jangkitan dan benda asing," katanya.

Menurutnya, teknologi terkini digunakan menghasilkan TLH Green Propolis yang mengandungi kadar flavonoids tinggi bagi menjana kekuatan imunisasi tubuh seperti berkesan mencegah darah tinggi, asma, jerawat, jantung dan pembiakan sel kanker.

TLH Green Propolis dibotolkan dengan kandungan 10 mililiter dijual pada harga RM60 di Semenanjung dan RM65 di Sabah dan Sarawak yang mana ia turut dipasarkan di Singapura serta Brunei.



BARU
...Zulkurnain
menunjukkan
TLH Green
Propolis.